



Universitätsbibliothek Paderborn

**D. Burchardi VVormaciensis Ecclesiae Episcopi,
Decretorum Libri XX. ex Consiliis, & orthodoxoru[m]
patru[m] Decretis, tum etiam diuersaru[m] nationum
Synodis, ceu loci communes congesti, in quibus ...**

Burchardus <Wormaciensis>

Parisiis, 1549

Quòd ante diem iudicii, etiam electi casuri sint in aduentu Antichristi. xciiii.

urn:nbn:de:hbz:466:1-10722

membris Antichristi inueniēdi sunt. Antequā veniat Antichristus, multa membra eius præcesserūt, & prauæ actionis meritò caput propriū præuenerūt, secundum Apostoli sententiam, qui iam iniquitatis mysteriū operari illū affirmat, etiam antequam reueletur. Magnitudo signorū faciet sub Antichristo, vt electi, si fieri potest, in errorē mittātur. Sed si electi: quomodo sunt in errorē mittendi? Ergo ibūt in errorē titubationis ad modicum pro multitudine prodigiorum: nō tamen deiiciendi sunt ab stabilitate sua, terrorum impulsu, atq; signorū. Vnde & ideo ponitur, si fieri potest: quia electi perire non possunt, sed citò resipiscētes cordis errorem religione coërcebunt: scientes prædictum à domino esse, vt dum hoc fecerint aduersarii, nō conturbentur sancti. Iam mira facturus est prodigia, & signa, dū venerit Antichristus: vt etiā electis quoddā cordis gignatur scrupulū, quod tam citò exuperet in illis ratio, pro qua scient in deceptione reprobōrū, & electorum probatione eadē fieri signa, in quo tēpore per patientiā gloriosi erunt sancti, nō per miracula, sicut sancti martyres fuerūt priores: illi enim & persecutores sustinuerunt, & faciētes prodigia. Proinde & durius bellū sustinebunt: quia non solūm contra persequētes, sed etiā contra miraculis coruscantes dimicaturi sunt. Grauius sub Antichristi temporib⁹ cōtra Ecclesiam deseruiet synagoga. quā in ipso aduētū saluatoris Christianos esset persecuta. Dum in martyres diabolus iam exercuerit magnā crudelitatem etiam ligarus: crudelior tamē erit sub Antichristi temporibus, quādo etiam erit soluendus. Nam si tanta ligatus facere potuit, quanta solutus faciet? Quāto propinquius finem mūdi diabolus videt, tantò crudelius persecutiones exercet. Vt quia se cōtinuò damnandum conspicit, socios sibi multiplicet, cum quibus gehennæ ignis addicatur. Quāto breue tempus videt diabolus sibi restare, vt dānetur, tantò in magna persecutionis ira mouetur, diuina iustitia permittente, vt glorificētur iusti, sordidentur iniqui: & vt diabolo durior crescat damnationis sententia.

Quod ante diem iudicij, etiam electi casuri sint in aduentu Antichristi. Cap. XCIII.

Grego. in

INDIEBUS eius stupebunt nouissimi, & primos in- *suis mora*
uadet horror. Tanta enim tūc cōtra iustos iniquitate *lib⁹ dicit.*

TT ii

effrenabitur, vt etiam electorum corda non paruo pauore feriantur. Vnde scriptum est: Ita vt in errorem inducatur, si fieri potest, etiam electi. Quod videlicet dicitur, non quia electi casuri sint, sed magnis terroribus trepidaturi. Tunc verò contra eum certamen iustitiæ, & nouissimi electi habere narrantur, & primi: quia scilicet & hi qui in fine mundi electi reperiuntur in morte prosternendi sunt, vt illi etiam qui à prioribus mundi partibus processerunt, Enoch scilicet, & Helias ad medium reuocantur & crudelitatis eius seuitiã in sua adhuc mortali carne passuri sunt. Huius vires in tanta potestate laxatas nouissimi obstupescunt, & primi metuunt: quia licet iuxta hoc quod spiritu superbiæ subleuatur, omnem temporalem eius potestatem despiciant, iuxta hoc tamen quòd ipsi adhuc in carne mortali sunt, in qua cruciari temporaliter possunt, ipsa quæ fortiter tolerat, supplicia perhorrescunt, ita vt in eis vno eodemque tempore, & constantia ex virtute sit, & pauor ex carne. Quia & si electi sunt, vt tormentis vinci nequeant, per hoc tamen quòd homines sunt, & ipsa metuunt tormenta qui vincunt.

De Antichristo. Caput XC V.

Grego. in
suis mora
lib^o dicit.

Videt enim quòd in fine mundi sathan hominem ingrediens, quem sacra scriptura Antichristum appellat, tanta elatione extollitur, tanta virtute principatus, tantis signis & prodigijs in sanctitatis ostensione se eleuat, vt argui ab hominibus eius facta non valeant: quia cum potestate terroris adiunguntur, etiam signa ostense sanctitatis. Et ait: Quis arguit coram eo viam eius? Quis videlicet hominum illum increpare audeat: cuius visum ferre pertimescit? Sed tamen eius viam non solum Helias & Enoch, qui in eius exprobatone ad medium perducuntur, sed etiam omnes electi arguunt, dum contemnunt, dum virtute mentis eius malitiæ resistunt.

Item de Antichristo. Cap. XCVI.

Grego. in
suis mora
lib^o dicit.

HOC loco homo humana sapiens dicitur, sed cum plus sint omnes, quam innumerabiles, quærendum nobis est, cur ante se innumerabiles, & post se omnes trahere dicatur, nisi quòd antiquus hostis reprobum tunc hominem ingressus, cunctos quos carnales inuenerit, sub suæ iugum